


唐六典



		九	漢書門
	一	七	
三	〇	四	八
冊	架	函	號類

庫文閣内		
元	九	漢
三	一	
函	七	
五	〇	書
架	冊	號類

内閣文庫	
番號	漢 9178
冊數	30(11)
函號	293 57

十一



糊などで貼り付けられている部分がめくれない箇所あり

御書
大唐高僧傳中唐卷第十一

御書



長安府長安縣人
上柱國開國公
李林甫
李林甫
李林甫

御書

御書

御書

御書



大唐六典殿中省卷第十一

御撰

淺草文庫



集賢院學士兵部尚書兼中書令修國史
上柱國開國公臣李林甫等奉 敕注上

殿中省

監一人

少監二人

丞二人



主事二人

令史四人

書令史十二人

亭長八人

掌固八人

尚食局

奉御二人

直長五人

大唐六典 卷之十一

書令史二人

書史四人

史當
作吏

食醫八人

主食十六人

主膳七百人

掌固八人

尚藥局

奉御二人

直長四人

書令史二人

書吏四人

侍御醫四人

主藥十二人

藥童三十人

司醫四人

醫佐八人

按摩師四人

咒禁師四人

合口脂匠二人 旧唐志作四人

掌固四人

尚衣局

奉御二人

直長四人

書令史三人

書吏四人

主衣十六人

掌固四人

尚舍局

奉御二人

直長六人

書令史三人

書吏七人

掌固十人

幕士八千人

尚乘局

奉御四人

直長十人

書令史六人

書吏十四人

奉乘十八人

作旧唐志

作旧唐志

作旧唐志

習馭五百人

掌閑五千人

進馬六人

司庫一人

司廩二人

典事五人

獸醫七十人

掌固四人

尚輦局

奉御二人

直長四人

書令史二人

書吏四人

掌扇六十人

掌翰三十人

掌輦二人

舊唐志作六人

舊唐志作二十四人

主輦四十二人三曰唐志二人

奉輦十五人十曰唐志二人

掌固六人作曰唐志四人

殿中省監一人從三品

魏氏初置殿中監品第七晉宋曰之齊有內

殿中監八人外殿中監八人梁初位不登七

班者別署署恐當作置勳位隋志作蘊位殿

中外監為三品勳位隋志作蘊位內監為三

下勳位恐衍字

品勳位陳因之然其官甚微後魏殿中監從

五品下北齊門下省屬官有殿中監四人掌

駕前奉引行事隋志行事下有制請修補四字東耕則進耒

耜隋改為殿內局監二人品正第六下大業

三年分門下省尚食尚藥御府殿內等局分

太僕寺車府驛驢等署置殿內省監正四品

少監從四品丞從五品各一人掌諸供奉又

有奉車都尉十二人掌進御輿馬統尚食尚

藥尚舍尚衣尚乘尚輦等六局皇朝曰改曰
殿中省龍朔二年改為中御府監為中御大
監咸亨元年復舊
少監二人從四品上
隋煬帝置一人從四品皇朝加至二人龍朔
咸亨隨省改復
丞二人從五品上
隋煬帝置一人從五品皇朝加至二人龍朔

二年改為中御大夫咸亨元年復故
主事二人從九品上

隋煬帝置皇朝因之
殿中監掌乘輿服御之政令摠尚食尚藥尚衣
尚乘尚舍尚輦六局之官屬
舊屬官又有天藏府開元二十三年省
備其禮物而供其職事少監為之貳凡聽朝則
率其屬執繳扇以列於左右凡大祭祀則進大

珪鎮珪於壇門壇當作壇之外既事受而藏之凡行

幸則侍奉於仗內若遊燕田閱則驂乘以從焉

今內別置閑廐使其務多分殿中及太僕之

事至於輿輦車馬則使掌其內監知其外遊

燕侍奉皆不與焉

若元正冬至大朝會則跪而進爵若和合御藥

則監視而嘗之

丞掌判監事兼勾檢稽失省署抄目

主事掌印及知受事發辰

尚食局奉御二人正五品下

周礼有膳夫內饗秦置六尚有尚食之名如

淳以為主天子物曰尚漢因之後遂省後遂省三

字通典作後并其職於太官湯官至北齊門

下省統六局尚食局有典御二人丞監各四

人又有集書省統三局有中尚食局典御隋

志御下當有二人監四人品與尚食同後周

有内膳上士二人中士四人凡進食必先嘗之至隋開皇初門下省統尚食局有典御二人直長四人大業三年分属殿内改典御為奉御員二人正五品上上可皇朝曰之龍朔二年改為奉膳大夫咸亨元年復故直長五人正七品上隋開皇初置直長四人從七品下大業三年加置六人增品為正第七上皇朝曰之減置

五人隋志尚食直長正七品下

食醫八人正九品下煬帝尚食直長正七品

其周礼有食醫中士二人掌和王之六食六飲六膳百羞百醬八珍之齊隋尚食局有食醫

批隋志醫下脫四人皇朝加至八人後周置主食主膳

等皇朝因之按通典後周有食醫下士疑注文脫之

主食十六人

後周内膳有主食十二人

尚食奉御掌供天子之常膳隨四時之禁適五味之宜

春肝夏心秋肺冬腎四季之月脾皆時王不可食五味酸醎甘苦辛

當進食必先嘗凡天下諸州進甘滋珍異皆辨其名數而謹其儲供直長為之貳凡元正冬至大朝會饗百官與光祿視其品秩分其等差而供焉其賜王公已下及外方賓客亦如之若諸

陵月享則於陵所視膳而獻之

諸陵須上食陵別殿中省主膳三十人分番

上下每季差官相監於陵所造食供進


食醫掌和齊所宜

主食掌率主膳以供其職

尚藥局奉御二人正五品下

自陳梁當作陳後魏已往皆太醫兼其職北齊

門下省統尚藥局有典御隋志御下有二人及丞各三字



侍御師四人尚藥監四人惣御藥之事又集書省統三局有中尚藥局典御二人丞二人中謁者僕射二人惣知中宮醫藥之事隋門下省統尚藥局典御二人正五品下侍御醫四人正七品上直長四人正七品下醫師四十人大業三年分屬殿內改為奉御皇朝因之龍朔二年改為奉醫大夫咸亨元年復舊直長四人正七品上

隋置四人正七品下煬帝加品為正七品上

皇朝因之隋志尚藥直長正七品下煬帝正七品

侍御醫四人從六品上

北齊尚藥局有侍御師四人隋有侍御醫皇朝因之

主藥十二人藥童三十人

漢有藥丞主藥後周有主藥六人隋有主藥

四人藥童二十四人

司醫四人正八品下

隋大業中置皇朝因之

醫佐八人正九品下

隋大業中置皇朝因之

按摩師四人

隋有按摩師一百二十人皇朝減置

咒禁師四人

皇朝初置

合口脂匠二人

皇朝初置

尚藥奉御掌合和御藥及診候之事直長為之

貳凡藥有上中下之三品

上藥為君養命以應天中藥為臣養性以應

人下藥為佐療病以應地通相宣攝而為用

凡合藥宜用一君三臣九佐方家之大經也必

辨其五味三性七情然後為和劑之節五味謂

酸鹹甘苦辛酸屬肝鹹屬腎甘屬脾苦屬心辛

屬肺三性謂寒溫平七情謂有單行者有相須者有相使者有相畏者有相惡者有相反者有相殺者其用又有四焉曰湯丸酒散視其病之深淺所在而服之診脈辨寸關尺之三部以調四時沉浮滑澁之節而知病之所在關當填以胃膈者先食而後服藥在心腹者先服藥而後食凡合和御藥與殿中監視其分劑藥成先嘗而進焉

合藥供御門下中書司別長官一人并當上大將軍衛別一人與殿中監尚藥奉御等監視藥成醫佐以上先嘗然後封印寫本方方後具注年月日監藥者徧署名俱奏餌藥之日尚藥奉御先嘗次殿中監嘗次皇太子嘗然後進御入御品上侍御醫掌診候調和司醫醫佐掌分療眾疾

主藥藥童掌刮削擣篩

按摩師呪禁師所掌如太醫之職

尚衣局奉御二人從五品上

周礼有司服中士二人掌王吉凶衣服辨其

名物與其用事戰國有尚衣尚冠之職秦漢

少府屬官有御府令丞掌供御服後漢有掌

冠者後漢志掌冠者三典官婢作中衣服

及補浣之事後漢志魏因之晉屬光祿勳東

晉省宋大明中改尚方曰左右御府各置令

丞一人後廢帝初省御府置中署隸右尚方

其後又置至齊高祖省文帝又置至以下九

典通志皆初宋氏用三品勳位明帝改用二

品無此九字淮南臺御史掌金銀絲帛凡諸造作以供

奉及妃主六宮梁陳無御府其職隸在尚方

後魏有掌服郎從六品上北齊門下省統主

衣局都統子統各二人後周有司服上士二

人中士二人隋門下省有御府局監二人大業三年分屬殿內省其後又改為尚衣局皇朝因之龍朔二年改為奉冕大夫咸亨元年復舊

直長四人正七品下

隋改御府為尚衣局始置直長領主衣皇朝

因之隋志御府直長從七品上

主衣十六人

隋置皇朝因之

尚衣奉御掌供天子衣服詳其制度辨其名數而供其進御直長為之貳凡天子冕服十有三一曰大裘冕二曰衮冕三曰鷩冕四曰毳冕五曰絺冕舊唐志作繡冕六曰玄冕七曰通天冠八曰武弁九曰弁服十曰黑介幘十一曰白紗帽十二曰平巾幘十三曰翼善冠大裘冕無旒冕廣八寸長一尺六寸

玄表纏衰

批玉海當作纏裏

以下廣狹准此

金飾玉簪導以組為纓色如其綬表以黑羔皮

為之玄領

闕

標唐志一本作標襟

緣朱裳白紗中

單皂領青標襪裾革帶玉鈎餘大帶

素帶朱裏紕其外上以朱下以綠紐約

舊唐志無

約用組字

鞞

鞞蔽膝也凡鞞皆隨裳色

鹿盧玉具劍火珠鏢首白玉雙佩玄組雙大綬

六綵玄黃赤白縹綠繩

批隋志繩當作純

玄質長二丈

四尺五寸

批隋志寸當作百

首廣一尺

小雙綬

隋志作雙小綬

長二尺六寸

舊唐志一作色同大

綬而首半之間施三玉環

朱鞞赤舄祀天神地祇則服之

衮冕垂白珠十有二旒以組為纓色如其綬鞋

續克耳玉簪導玄衣纏裳十二章

八章在衣日月星辰山龍華虫火宗彛其四章在裳藻粉米黼黻衣襟領為昇龍皆織成為之

山龍以下每章一行重以為等每行十二白紗中單黼領青襟襪裾鞞革帶大帶劍玉珮綬鞞與上同舄加金飾享廟謁廟及廟遣上將征還飲至踐祚祚當作祚加元服納后若元日受朝及臨軒冊拜王公則服之

鷩冕服七章

三章在衣華蟲火宗彛四章在裳藻粉米黼黻餘同衮冕有事遠主則服之

毳冕服五章

三章在衣宗彛藻粉米二章在裳黼黻餘同鷩冕祭海嶽則服之

絺冕服三章

一章在衣粉米二章在裳黼黻

餘同毳冕祭社稷帝社則服之
玄冕服

衣無章裳刺黻唐志黻作黼一章

餘同締冕蜡祭百神朝日夕月則服之

通天冠加金博山附蟬十二首施朱朱當作珠翠黑

介幘髮纓唐志髮作組翠綉玉若犀簪導絳紗袍白

紗中單朱領襪唐志作襪白裙襦

亦裙衫

絳紗蔽膝白假帶方心曲領其革帶劍珮綬與

上同白鞵黑舄若未加元服則雙童髻空頂黑

介幘雙玉導加寶飾諸祭還及冬至受朝唐按舊唐志

冬至下有朔日二字受朝下有臨軒拜王公五字元會冬會則服之

武弁金附蟬平巾幘

餘同其服通典其作前按隋志云其乘輿武弁之服衣裳綬如通天之服

講武出征四時蒐狩大射禡類宜唐志宜下脫

社賞祖罰社纂嚴則服之

弁服

弁以鹿皮為之

十有二珎

珎以白玉珠為之

玉簪導絳紗衣素裳革帶白玉雙珮鞶囊小綬

白鞵烏皮履朔日

舊唐志曰下有受朝二字

則服之

黑介幘白紗單衣白裙襦革帶素鞵烏皮履拜

陵則服之

白紗帽

亦烏紗

白裙襦白襪烏皮履視朝聽訟及燕見賓客則

服之

平巾幘

金寶飾

導簪唐志作簪冠支皆以玉紫褶

亦白褶

白袴玉具裝真珠寶鈿帶箸著當著當鞞乘馬則服之

翼善冠其常服及白白唐志練裙襦通著之若

服袴褶則與平巾幘通著

已上並古服有事及見賓客則服之自隋文

帝制柘黃袍及巾帶以聽朝至今遂以為常

凡天子之大圭曰琕長三尺鎮圭長尺有二寸

有事于郊廟社稷則出之于內將享至于中壝

門趨當則奉鎮圭于監而進既事復受而藏之

凡大朝會則設御案朝畢而徹焉

尚舍局奉御二人從五品旧唐志品下有上字

周礼有掌舍掌行所解止之處帷幕幄帟之

事漢少府屬官有守宮令丞掌官殿陳設魏

殿中監掌帳設監護之事晉宋已下其職並

在殿中監隋煬帝置殿內監隋志改殿內局

為尚舍局置奉御二人正五品皇朝曰之寵

朔二年改為奉宸宸當作宸大夫咸亨元年復舊直長六人正七品下

隋煬帝置八人皇朝減二人

幕士八千人

皇朝置掌供御及殿中雜張設之事

尚舍奉御掌殿庭張設供其湯沐而潔其灑掃

直長為之貳凡大駕行幸預設三部帳幕有古

帳大帳次帳小次帳小帳凡五等古帳八十連

千恐十字

高二丈縱廣二丈五尺前有五梁後有七梁

大帳六十連

高一丈五尺縱廣二丈前有四梁

次帳四十連

高一丈三尺縱廣一丈五尺前三梁三帳

皆朱蠟骨緋紬綾浮游覆之

小次帳三十連

高一丈一尺縱廣一丈二尺

小帳二十連

高八尺縱廣九尺

凡五等之帳各三是為三部

帳皆烏氈為表朱綾為覆下有紫幃方座金銅行牀垂以廉其諸帳內外又設六柱四柱三柱為垣牆之制皆青純為表朱帛為裏其外置排城以為蔽捍焉

排城連版為之每版皆畫辟邪猛獸表裏漆

之

凡供湯沐先視其潔清芳香適其寒溫而進焉凡大祭祀有事於郊壇則先設行宮於壇之東南向隨地之宜將祀三日則設大次於外壇東門之外道北南向而設御座若有事於明堂及太廟則設大次於東門如郊壇之制凡致齋則設幄於正殿西序及室內俱東向張於楹下凡元正冬至大朝會則設斧扆於正殿

施榻曰唐志榻作躡新唐志榻作躡席及薰鑪若朔望受朝

則施幄帳於正殿帳裙頂帶方闊一丈四尺

尚乘局奉御四人從五品上

自秦漢已來其職皆在太僕北齊太僕驛驩

署有奉乘十人隋志奉乘十人作奉承直長二人管十二閑

馬隋煬帝取之置尚乘局皇朝因之增置奉

御四人一人掌左六閑馬一人掌右六閑馬

一人掌粟草飼丁請受配給及勾勘出入破

用之事一人掌鞍韉轡勒供馬調度及療馬

醫藥料度之事龍朔二年改為奉駕大夫咸

亨元年復故開元二十二年二年當減二人作三年

先是別置閑廐使因隸焉猶屬殿中

直長十人正七品下

隋煬帝置十四人皇朝曰之開元二十三年

減四人

奉乘十八人正九品下

後魏有奉乘郎從五品下後周左右廐各有

奉乘二十人隋煬帝置尚乘局有奉乘十人

皇朝加置二十四人每閑二人開元二十三

年減六人按後魏志奉乘郎從五品中

習馭五百人

後周左右廐各有馭夫一百二十人皇朝加

置習馭五百人掌調習六閑之馬

掌閑五千人

常疑掌之誤

皇朝置常分飼養六閑之馬

進馬六人新唐志作五人正七品下

皇朝置

按旧唐志天寶八載李林甫用事罷立仗馬亦省進馬官十二載楊國忠當政復立仗馬及進馬官此則本條初有進馬位員職掌而後省之歟今以旧新唐志補之以充目錄之數

司庫一人正九品下

皇朝初置二人掌六閑庫物開元二十三年

減

司廩二人正九品下

皇朝置之

典事五人

皇朝置掌六閑粟草

獸醫七十人

周礼有獸醫下士掌療畜獸之疾病又有巫馬下士闕据本書二人醫四人掌知馬祖先

可連書

牧馬步之神養疾馬以藥攻馬疾也北齊内廐局有馬醫二人皇朝置獸醫掌療左右六閑之馬

尚乘奉御掌内外閑廐之馬辨其羸良而率其習馭直長為之貳六閑一曰飛黃二曰吉良三曰龍媒四曰駒駘五曰馱馱六曰天苑左右凡十有二閑分為二廐一曰祥麟二曰鳳苑以繫飼馬

今仗内有飛龍祥麟鳳苑鸚鵡鑾

曰唐志鑾作雛新唐志鑾

作鸞吉良六郡等六廐奔星内駒等兩閑

仗外有左飛右飛左万右万等四閑東南内

西北内等兩廐六閑一曰銀黃二曰吉身三

凡御馬必敬而式之非因調習不得捶擊

諸閑廐上細馬若欲調習唯得廐内乘騎不

得輒出

習其進御之制而為出入之禁

隴右諸牧監使每年簡細馬五十疋進其祥

麟鳳苑廐所須雜給馬牛別簡羸壯敦馬一

百疋與細馬同進仍令牧監使預簡敦馬一

十疋別牧馬馬恐當作馬殿中須馬任取充

凡秣馬給料以時為差

春冬日給稟一圍粟一斛鹽二合秋夏日給

青芻一圍粟減半

凡外牧進良馬印以三花飛風之字而為誌焉

細馬次馬送尚乘局者於尾側依左右閑印
以三花其餘雜馬送尚乘者以風字印印右
髀以飛字印印左髀

奉乘掌率習馭掌閑駕士及秣飼之法凡馭馬
必視其齒歷勞逸而調習之

馬四年而兩齒五年而四齒六年而六齒成
矣七年而右一齒齟八年而上下兩邊各一
齒缺九年而上下盡缺十年而下兩齒齟十

二年而下四齒齟十二年盡齟十三年下兩

齒平十四年下四齒平十五年下盡平十六

年上兩齒齟十七年上四齒齟十八年上盡

齟十九年上兩齒平二十年上四齒年年當

進馬掌大陳設戎服執鞭居立仗馬之左

視馬進退唐志

司庫掌鞍轡乘具


司廩掌藁秸出納

獸醫掌療馬病

凡馬病灌而行之觀其病之所發療馬病有五勞一曰筋勞二曰骨勞三曰皮勞四曰氣勞五曰血勞久步則生筋勞久立則生骨勞久汗不乾則生皮勞汗未差燥而飼飲之則生氣勞驅馳無節則生血勞有傷寒者有傷熱者有瘍者咸搥經方以療焉

尚輦局奉御二人從五品上

周礼小司徒中大夫二人掌六畜車輦又巾車下大夫二人掌王后之五輅輦車組輓有翬羽盖古謂人牽為輦春秋宋萬以乘車輦其母秦始皇乃去其輪而與與當作輦之漢代遂為人君之乘後漢有乘輿六輦魏晉小出則乘之及過江而亡大元中謝安率意而作及破符堅得之形制無差大小如一時人嗟其默識宋武執慕容超獲金鉦輦古之輦輿大



率以六尺為度齊武帝造大小二輦彫節當節

作飾甚工下柶隋志柶作橫輶輶悉金花銀獸梁大

輦中方八尺左右開四望金鸞棲輶隋有六

輦大禮皆乘之秦漢魏晉並太僕屬官車府

令掌之東晉省太僕遂隸尚書駕部宋齊梁

陳車府乘黃令丞掌之後魏北齊則乘黃車

府令兼掌之後周則司車輅主之隋又乘黃

車府令兼掌之煬帝置殿內省尚輦局奉御

二人正五品皇朝因之為從五品上龍朔二年改為奉輦大夫咸亨元年復舊

直長四人正七品下

隋煬帝置皇朝因之又置掌扇掌翰等員掌

執扇及執紙筆硯雜供奉之事

掌輦二人正九品下

皇朝初置四人開元二十三年減二人又置

主輦奉輦等員掌率主輦以供其事

主輦四十二人

皇朝置凡七輦輦六人

奉輦十五人

皇朝置之

尚輦奉御掌輿輦繖扇之事分其次序而辨其名數直長為之貳凡大朝會則陳於庭大祭祀則陳於廟

輦有七一曰大鳳輦二曰大芳輦三曰仙遊

輦四曰小輕輦五曰芳亭輦六曰大玉輦七

曰小玉輦輦有三一曰五色輦二曰常平輦

其用如七輦之儀三曰腰輦則常御焉

凡大朝會及祭祀則出之於內既事復進而載

唐志無復進二字載作藏之凡繖扇大朝會則繖二翰一陳

之于庭

孔雀扇一百五十有六分居左右舊翟尾扇

開元初改為繡孔雀以省

唐志無以省二字疑是衍

若常聽朝皆去扇左右各留其三以備常儀

崔豹古今注云華蓋皇帝皇當作黃所作也與蚩

尤戰於涿鹿之野常有五色雲氣金枝玉葉

止於帝上有花藹之象故因作華蓋也通俗

文曰張帛避雨謂之繖蓋古今注曰翟尾扇

起於殷代高宗有雉雉之祥服章多用翟羽

周制以為王后夫人之車服輿輦有翟即緝

翟羽為扇翟以障蔽翳風塵也古今注作障翳蔽字可削

大唐六典中省卷第十一

[Faint bleed-through text from the reverse side of the page]

補考

改典御為奉御員二人正五品上

按隋志煬帝即位多所改


革三年定令品自第一至于第九唯置正從

而除上下階據此則煬帝品有上下者皆謬

湯丸酒散湯丸膏散○隋煬帝置八人隋志殿

從七品上煬○右一齒齒白批潛確類書

帝正七品



卷之二十一
 一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

蘇

蘇

蘇

